

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Tuzla, na sjednici održanoj, 25. 02. 2021. godine, donosi

O D L U K U
o izmjeni i dopuni Poslovnika Gradskog vijeća Tuzla

Član 1.

U članu 22. Poslovnika Gradskog vijeća Tuzla (Službeni glasnik Grada Tuzla“, broj 09/17., 2/18., 8/19., 3/20., 7/20. i 2/21.) u stavu 4. iza riječi „u Gradskom vijeću“ briše se zarez i riječi „kao i vijećnici – nezavisni kandidati“.

Iza stava 4. dodaje se stav 5. koji glasi:
„Dva ili više samostalnih vijećnika mogu formirati zajednički klub vijećnika.,,

Član 2.

Zadužuje se Komisija za statutarna pitanja i propise, da u roku od 60 dana od dana stupanja na snagu ove Odluke, pripremi i Gradskom vijeću Tuzla dostavi prečišćeni tekst Poslovnika Gradskog vijeća Tuzla.

Član 3.

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:01-04-A-2905-2021
Tuzla, 25. 02. 2021

PREDSJEDAVAJUĆI
Nataša Perić, prof.

Obrazloženje:

Pravni osnov za donošenje Odluke o izmjeni i dopuni Poslovnika Gradskog vijeća Tuzla („Službeni glasnik Grada Tuzla“, broj 09/17., 2/18., 8/19., 3/20., 7/20. i 2/21.) su član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je da Vijeće u okviru svojih nadležnosti između ostalog:
„- donosi svoj poslovnik o radu;”.

Odredbom člana, 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla, propisano je da Gradsko vijeće u okviru svojih nadležnosti između ostalog:
„- donosi svoj poslovnik o radu;”.

Razlozi za donošenje Odluk

Ovom izmjenom se otklanja neravnopravnost samostalnih vijećnika, koji takav status imaju u smislu člana 1.9 stav 2. Izbornog zakona Bosne i Hercegovine (“Službeni glasnik Bosne i Hercegovine”, broj 23/01., 7/02., 9/02., 20/02., 25/02., 4/04., 20/04., 25/05., 52/05., 65/05., 77/05., 11/06., 24/06., 32/07., 33/08., 37/08., 32/10., 18/13., 7/14.. 31/16. i 41/20) u odnosu na sve druge vijećnike, koji se imaju pravo organizirati u okviru kluba vijećnika.

U većini općina i gradova, samostalni vijećnici imaju pravo se organizirati unutar kluba vijećnika.

Pojašnjenje pojedinih odredbi Odluke

Članom 1. Odluke se predviđa da dva ili više samostalnih vijećnika mogu formirati zajednički klub vijećnika.

Članom 2. ove Odluke, zadužena je Komisija za statutarne pitanja i propise, da u roku od 60 dana od dana stupanja na snagu ove Odluke, pripremi i Gradskom vijeću Tuzla dostavi prečišćeni tekst Poslovnika Gradskog vijeća Tuzla.

Članom 3. definisano je stupanje na snagu Odluke o izmjeni i dopuni Poslovnika Gradskog vijeća Tuzla.

PREDLAGAČI

Klubovi vijećnika parlamentarne većine

OBRAĐIVAČ

Stručna služba Gradskog vijeća